



КОМСОМОЛОНЬ ВАЙГЯЛЬ

Шумбра улеза 1-це Майсь— МЕЖДУНАРОДНАИ ПРОЛЕТАРИАТТЬ РЕВОЛЮЦИОННАИ ВИНЗОН БОЕВОИ СМОТРАСНА! ПАВАЗУ ЭРЯФОНЬ ПРАЗДНИК

Кизода-кизос коль цебяръгады минь эряфоньке. Тячи васеньне маень шиста ули мезе азондомс минь трудяй ломаненькенди, ули мезе няфнемс эсь сатфксон эзда. Аф муят минь великая родина-стонок тяфтама трудяй ломань, конань тячи афоль пал толкс потмоц, афоль раха кургоц минь пях оцю сатфксонькенди, успехонькенди нингса. Эр ломаньсь, улеза сон сире, улеза сон од, канды оцю гордость сянь инкса, што нят великая сатфксонь эса путф сонь виец, ули сонь участия.

Сембе тюремат, сембе работамати итогос тейнек ачися, што минь трудяньке примазь Сталинский Конституция. Сталинский Конституциясь неньга сяда пях кепсесыне и вооружандакшнесыне массатень сяньди, штоба неньга сяда цебяръста работамс и добро советская вавтомс социалистический собственность.

Ули мезенькса гордиться, ули мезень колга радовандамс тя пролетарский праздниконь шиста минь Мордовиянь од ломаньтеньди. Оцю язоронь пингста минь мокшетне эсть лувондов ломанькс. Мокшетне лангс вансть, кода пинень лангс, конатнен лангса помещикне, кулакне надевались стая, кода тейст эрявсь. Кафта сталмот кандсть мокшетне эсь лангсост. Фкя палде синь эсост эксплуатировандакшнесь оязоронь самодержавиясь, а о м б а палде мокшетне эксплуатировандаз национальный помещикне и буржуазиясь.

Рабочий класс коммунистический партия руководстванц ала лездсь мокшетнеди йордамс тя кафтонь крдаь эксплуатациясь сяда снос лангста и строямс счастливай, радостнай эряф. Кизоста кизос кась мокшетне культурностьсна и благосостояниясна. Кие сотчесь мокшетне эзда, мезе стамс тракторсь, мезе стамс комбайнась и лия машинатне? Коммунистический партия руководстванц ала мокшень беднякне и среднякне, кода и сембе странань крестьянне, пуромсть колхозу. Ликвидировали кулачество, м а ш ф т о з эсь йотковаст беднякова, среднякова и батраковарасслоения и тяни сембе трудяйне фкя лаца, фкя праваса работайхть колхознай паксыа колхознай хозяйстваса.

Аф фкя сяда трудонь геройхт кассть минь Мордовиянонок. Прекраснай трактористт, комбайнерхт, бригадирхт, конюхт, производственной рабочайхт, педагогт, инженерхт, командирхт, Якстерь армейскт кафтсть и выдвинули эсь йоткост мокшень трудяйне. Кие аф содасыне минь

знатнай ломаненькенди Васильевть, Казанцевть, Ледчикинть, Пушкинать и лиятнен, конат удостоились минь правительстванькенди интеле высшай награданьди и казфт орденса.

Сембеда стака ульсь эряфсь оязоронь пингста мокшень аватненди. Нужань няемада башка синь мезевек эсть сотце. Оязоронь власть пингста 100 аватнен эзда аныцек 4 ломань тонафнест школаса. Советский власть панжезе кить мокша авати. Аф фкя тьяжянь стирня, ава тонафнихть школава, институтова, всякай курсса. Сялот стирня работайхть производстваса, культурнай фронтса и трактористкас.

Инь оцю сатфксна минь Мордовиянь трудяйхнен, — ся, што синь курок примаса эсь Конституцияснон. Тяни производстваса, колхозон паксянь станга, школава Мордовиянь трудяйхне обсуждают эсь Конституциянь проектснон, кона курок ули примаф. Тя ули величайшай исторический сатфкс минь Мордовиянь трудяйхненди.

Нят сембе сатфксненди Мордовиянь трудяйхне обянт рабочай классти, коммунистический партия, васендакия минь вожденькенди Ленинти и Сталинти.

Иля совсем эряфсна од ломаньтень капиталистический масторса. Тоса трудяй од ломаньтеньди аш кода думандамс культурать али цебяр эряфть колга. Кизоста-кизос фашистский варвархне кирфнесазь школатнен и культурнай учреждениятнен лувксон.

Фашизмась—тя смерть, конач, афаномок мезеньг лангс, машфнесь сембень сянь, мезе создал человечествась. Фашизмась бешенна аноклай од мировой войнади и васендакия Советский Союзть каршес.

Германский и итальянский фашистне человечество каршес войнань вятема планснон ушедсть пяхкеткшнем Испаниясь. Испанский мятежничне и германский, итальянский фашистне йорасть поработить Испаниянь трудяйхнен. Но синь пях эльбяткшнихть Испаниянь трудяйхне кеместа пуромсть единая фронтонь знамя алу и вятихть вишке тюрема ин тервентнен каршес.

Кеместа эльбяткшихть фашистский господатне кда синь арьсихть врыгтемс минь могучай родинанькенди лангс. Катк синь содасазь, што минь ули первокласснай военной техниканьке и могучай, афскешиска Якстерь армияньке и, кда эряви, минь эрь од ломаньсь арай Якстерь армиянь рядтненди, штоба арялямс минь павазу родинанькенди.



Шумбра улеза комсомольский племясь—большевистский партия могучай резервоц и надежной помощникоц! Шумбрат улест минь родинанькенди трудяй од ломаненза!

ПРОМЫШЛЕННОСТЕНЬ И ТРАНСПОРТОНЬ УДАРНИКОНЬ И УДАРНИЦАНЬ ЛАМА-
МИЛЛИОННАЙ АРМИЯТИ, СТАХАНОВЕЦНЕНЬДИ, МИНЬ СТРАНАНЬКЕНЬ ЗНАТНАЙ
ЛОМАНЕНЗОНДЫ БОЛЬШЕВИСТСКИЙ ПАРА ВАЛ!

Тонафнемань отличникне



Пединститутонь инь лучшей студентне отличникне, ВЛКСМ-нь члентне. Вярде алу:

3. Вязовская—цебярь общественница, выпускница, М. Зубковс—ВЛКСМ-нь комитетт секретарец, Федотовась дебярь общественница выпускница, В. Синяевс—цебярь общественник.

СОДАМС МОДАТЬ ВЕЛЬКССТА КИТНЕНЬ

Улень оймла. Веледа башка ко-
совок ашелень. Рузкска
кортама афолень машта, а мяль-
не ульсть тяниеннетнень лацот.
Афолине сода, но кельгелине маши-
нать. Тонадомс машинать, содамс
моторть, улемс вятикс лама сядонь
алашань вийса махинати.

Тяфтама мяльса сань консервной
комбинату 1934-це кизоня. Тейнь
ульсь 15 кизот. Васень роботазе
комбинатса—ученик-слесарь. Тона-
фнемать аделайне на отлично сем-
бе дисциплинатнень коряс.

Аф ламос работань 6-це разря-
донь слесарькс, тьяконь шовор сдэл
техэкзаменть на отлично и тьяни ра-
ботан регулировщиконь помощни-
кокс. Работать пяк кельгса. Кель-
гса лама алашань вийса машинать,
кона аккуратнайста керсесыне пяле
метрань сереса мараф валда, жесть-
тнень, конатнень эзда лия машина-
тне тийхть консервной банкат.

Стахановский норматнень пя-
шкеткшнесайне 120—135 процентс.
Получан 370 цалковайхт. Ули ве-
лосипедозе, моньценъ библиоте-
казе.

Тядодень кизонь майть мон вась-
фтинь исключительнай пережива-
ниянь, восхищениянь марта. Вдь
майста мон аэропланса кепедян
менельти. Тя ули монь васень уро-
козе. Мон ненгя, эзень кепетькшце
менельти весткя. Кепедян васенда
руководитель марта, тонадса
модать вельксста кить и авиомо-
торть, конань мон ушедонь васень-
да содомонза аэроklubонь учетонь
школаса. А кда эряви, нянь тона-
домодост меле, мон максса сембе



эряфозень кельгема страназень бое-
вой воздушной флотонцы.

Но тяфтама арьсемада меле монь
арси ингелен кизефкс, а кода ком-
бинатсь? Вдь эста кадомс эря-
ви монь кельгема производств-
зе, конань марта марса касонь мон
Аш, аф кадса. А авиомоторть и
модать вельксста китнень тонад-
сайне сян ингса, штоба коммуни-
стонь партият и советский власть
любовой пингень вызовстонза мон
уделень анок, полафтомс комби-
натонь машиназень авиомоторлангс
и улемс стахановец воздуха ро-
диназень границанон арялмста.

Якушев Л.

ОДС ОРГАНИЗОВАНДАФ СОЮЗ- НАЙ РЕСПУБЛИКАТНЕНЬ ПАРТ- ОРГАНИЗАЦИЯСНОН КОЛГА

ВКП(б)-нь ЦЕНТРАЛЬНАЙ КОМИТЕТТ ПУТФКСОЦ

1. ВКП(б)-нь Казахский краевой организациять шарфтомс (пре-
образовать) Казахстанонь (большевиконь) коммунистический партиакс
и ВКП(б)-нь Киргизский областной организациять—Киргизиянь (боль-
шевиконь) коммунистический партиакс.

Казахский и Киргизский республикатнень предстоящей оче-
редной партийнай с'ездснот эса йотафтомс нят нацкомпартиятненьди
Центральной Комитетонь кочкамат.

2. Ликвидировандамс ВКП(б)-нь Закавказский крайкомть и подчи-
няндамс непосредственна ВКП(б) нь ЦК-ти—Азербайджанонь КП(б)-нь
ЦК-ть, Грузиянь КП(б)-нь ЦК-ть и Армениянь КП(б)-нь ЦК-ть.

3. Сувафтомс ВКП(б)-нь Кара Калпакский областной органи-
зациять Узбекистанонь (большевиконь) коммунистический партият
составс, подчиняндамок Кара Калпакский обкомть непосредственна
Узбекистанонь КП(б)-нь ЦК-ти.

ВКП(б)-нь ЦК-сь.

Апрельть 23-це шистонза 1937-це кизоня.

РСФСР-ти СУВСИ АВТОНОМНАЙ РЕСПУБЛИКАТНЕНЬ ПАРТОРГАНИ- ЗАЦИЯСНОН ВКП(б)-нь ЦК-ти НЕПО- СРЕДСТВЕННАЙ ПОДЧИНЕНИЯ- СНОН КОЛГА

ВКП(б)-нь ЦЕНТРАЛЬНАЙ КОМИТЕТТ ПУТФКСОЦ

1937-це кизонь июльть 1-це шистонза сяземокладямс ВКП(б) нь
Центральной Комитетт непосредственной подчинениянь порядок
тяфтама автономнай республикань парторганизациятнень ВКП(б)-нь
обкомснот ды: Бурят-Монгольскыйт, Дагестанскыйт, Кабардино Балкар-
скыйт, Калмыкскыйт, Карельскыйт, Комины, Марийскыйт, Мордов-
скыйт, Немцев-Поволжьянцет, Северо-Осетинскыйт, Удмурдскыйт,
Чечено-Ингушскыйт и Чувашскыйт.

ВКП(б)-нь ЦК-сь.

Апрельть 23-це шистонза 1937-це кизоня.

МИНЬ СЕМБЕДА ПАВАЗУФНЕ МИРСА

Тядодень праздниксь 1-це майсь
тейнь ламос сави мяляфтомс. Вдь
тядодень кизоть мон аделаса Мокш-
эрьянь, именна Мокшэрьянь пед-
институтть исторический факуль-
тетонц. Конашка радасьсь! Кона-
шка павазсь! Кодама лама и лама
хочетсь эрямс социализмань строяй
радостнай, чудеснай странасонк,
коса эрь ломаньт может улемс тяф-
тама павазонц и радостец кодама монь.
Да, мон призьень лувса павазукс, монь
мялезе явомс тя павазть сембень
марта, азондомс сомбеньди кортазь
и моразь. Кортазь и моразь лвомс
ламонь крда спасиба коммунистонь
партияти и народонь вождьти Ста-
лин ялгати тяфтама павазу и ра-
достнай эряфс вятеманькень инкса,
а сембеда пяк—оправдандамс тьянь
тонафнемда мельдень работасо-
нок.

Лядонды фталу знаниянкса ни-
ле киза кувалмонь упорнай тюре-
мась. Тюремась сян инкса, што-
ба получамс тяшкава почетнай зва-
ния и ответственной работа, кода
касы, миньцонк павазу, соци-
ализмань строяй поколениань марк-
сизмань—ленинизмань духса вос-
питандама. Мон азан седи вак-
скань оцю спасиба институтонь
парторганизацияти, профессорский
преподавательский составти и
сембе коллективти, што коммуни-
стонь партият и лична Сталин ял-
гати инксонок алякс заботаманц
вельде лездсть тейнь тонадомс
Марксизмать—Ленинизмать осно-
ванзон, содамс материалистический
историять. Мон аф мяляфтан „от-
личнада“ йомла отметка ниле ки-
зонь тонафнемастон. Ненгя спаси-
ба сянкса, што монь тонафтомазь
шарькедемонза сян, што аныцек
упорнайста и настойчивайста эсь
лангсот работамась, эсь темень кель-
гемась арьхить решающайкс то-
нафнемаса и работаса. Работаса
мярьган сяс, што мон аныцек ни-
лице курса освобожденная общест-
веннай работада. Васень курса
тонафнемстон работань комсоргокс
группаса, сядя меле факультетонь
бюронь секретарькс и ВЛКСМ-нь
комитетса секретарькс, а мекель-
день работазе—профкомонь пред-
седатель. Тьяка пингть работань, и
работан тьяннгя пропагандистокс
Сембе тя работась эзь шоря монь
отличнайста тонафнемазь-
ти, мезенькса нилексть улень
премировандаф, кода оглич-
ник.

Но тядо оцю работась ненгя
ингеле. Ляфтавихть Сталин ял-
гати валонза, што „школась—тя
аныцек подготовительнай сту-
пень. Кадрань настоящай за-
калкась получахшневи живой
работаса, школада башка, трудно
стытнень каршес тюремаса, труд-
ностьнень машфтомаса“. И тя ис-
тинать сознательнайста шарьке-
дезь, мон молян педагогический
работати.

Мих. Силкин.

ШУМБРА УЛЕЗА МИНЬ РОДНОЙ, НЕПОБИДИМАЯ ЯКСТЕРЬ АРМИЯНЫКЕ— СССР-НЬ НАРОДНЕНЬ МИРНОЙ ТРУДНОН МОГУЧАЯ ОПЛОТОЦ, ВЕЛИКАЯ ОКТЯБРЬСКАЯ РЕВОЛЮЦИЯ ЗАВОЕВАНИЯ ЗОН ВЕРНОЙ СТРАЖАНА!

АНОКЛАСА ОТ ДЕЛЕНИЯ ЗЕНЬ НА ОТЛИЧНО

Царский армияса унтер-афицерть пяк афолезь кельгенде солдатне. Унтер-офицерсь пиксселезень солдаттнень мезьса повсь.

Якстерь армияса отделенная командирсь аши инь маластонь ялгакс якстерьармеецти. Отделенная командирсь тонафтсы якстерьармеецть сьормас содама. Отделенная командирсь макссесы боецти сембе соньценъ знанияни.

Царский армияса унтер-офицеркс путнелхть анычек кулаконъ цоратнень. А твни младшай командиркс, а тяфтажа средняй и старшай командиркс ашихть синьць рабочайхне, колхозникне и синь цорасна.

Якстерь армиять вождь и руководитель Ворошилов ялгась, луганский рабочай-слесарь. Кавалериять инспекторц С. М. Буденный ялгась, Ворошилов ялгать боевой сратникоц, бедняк крестьянинонъ цора.

Фкя киза мон улень рядовой боецокс. Тонафнень честнайста и добросовестнайста. Улень отличник.

Твни мон отделенная командиран. Тейнь доверили пяк почетнай тев—тонафнемс боецнень.

Мон путнеса сембе виезень доверенная боецнень тонафнемаснонды. Сембе содама шинень макссайне эсь подчиненнайнефди.

Монь отделениясон улихть отличникт. Тя Ильясов, Швец и Оборон ялгатне. Твни мон тюрясиакса, штоба тиемс сембе отделениязень отличниккокс.

Младшай командирсь
ЕРОФЕЕВ.



Боевой и политический подготовкань отличникне:

Кержи ширьде види шири: якстерьармеецсь Кондратьев ялгась, младшай командирсь Ерофеев ялгась, якстерьармеецсь Денисов ялгась.

ТЯЧИ ПРИМАН КРАСНОЙ ПРИСЯГА

Школаса мон ашень тонафне. Наукать колга мезевек эзень куленде. Анычек мзярда сувань комсомолу членкс, эста кармасть комсомолец ялгане тонафнемон сьормас.

Аф азомшка ульсь радосттзе, мзярда призывной комиссиясь мярьгсь: Улят якстерьармеец.

Партиясь и правительствась доверели тейнь улемс и каннемс инь почетнай, инь гордай лем—Якстерьармеец.

Якстерь армиясь тейнь арась образцовый школак. Твса монь тонафномазь сьормас содама. Кармань шарькедема политикаць эса.

Мон путнине сембе виезень, штоба тонадомс военной тевть. Партиять и сембе Советский на родть доверияни оправдал чест-

найста и добросовестнайста: военной техникаць содаса отличнайста, лицендиан анычек отличнайста, тактикаць содаса отличнайста.

Майть васьфтинь мон пяк оцю сатфкс марта. Твни мон гордайтс приман торжественной обещания коса мярьган:

«Я обязуюсь по первому зову рабочего и крестьянского правительства выступить на защиту Союза Советских Социалистических Республик от всяких опасностей и покушений со стороны всех врагов и в борьбе за Союз Советских Социалистических Республик, за дело социализма и братства народов, не щадить ни своих сил, ни самой жизни».

Якстерьармеецсь Александр
Денисов.

АРМИЯСЬ—МОНЬ РОДНОЙ СЕМЬЯЗЕ

Якстерь армиясь мон сань малограмотнайста. Газетат мзярдонга ашень морафне. Художественная литература ашине соце значениячка и фкявек книга эзень морафта.

Армиясь тейнь арась пяк цебарь политический школак. Твса мовь пяк кассь политический кру озо розе.

Твни мон эрь шиня морафния газетат. И кода бди йофси аф кирдят газетафтома. Армиясь мон морафтонь лама художественная литература Пяк тусть мялезен: «Бруски», «Поднятая целина», «Тихий дон», «Цусима» книгатне.

Армиясь тейнь арась тяфтама роднойкс и близкайкс, што мялезе лядомс пожизненна. Твни мон аноклан при военно-политический школав, коза сьоксенда туян тонафнемь.

Тейнь максси оцю лезкс лейтенантсь Ерин ялгась. Сон заботливыйста аноклай эсон школав.

Человечество враговза—фашистский варвархне—аф твни, так ванды сркафтыхть кровопролитной война. Мировой фашизмась веши васендакига машфтомс минь социалистический родинайкенъ—человечество будущаенц.

Минь порохоньке анокт и кирдась пяк косякста. Врагсь содасы, што минь странанькенъ всемирно-исторический завоеваниянза, конат сьорматфт Сталинский Конституцияти, кеместа ванондовихть сембе минь необятнай Советский Союзть народонц несокрушимай вооруженнай виензон марта.

Но, штоба маштомс лац тюрема, эряви цебарьста содамс военной тевть. Сяс мон и молян военной школав, штоба арамс военной специалистокс.

Якстерьармеецсь Кондратьев.

„ОЧИЖИТЬ“ ПРОИСХОЖДЕНИЯ И КЛАССОВАЯ СУЩНОСТЬ

Кода шачсь „очижись“

„Очижи“ праздникть, кода христость колга и евангельский ле гендатнень, христианствась свяезе древневосточнай народтнень ширьде, конатнень йоткса пяк келиста ульсь распространеннайхть страдандай, кулы и живолгоды шинь и растительностень шкайтть празниконза.

Шинь шкайти древний земледельце лувондозь (приписывали кизонь врематнень полафтомаснон, растительность касоманц и пужеманц. Шинь шкайтс лувондовсь и спаситель-шкайтс: тейнза ломаньтне обращались просьба марта аф анычек лямбеть и урожайть колга, но и сянъ колга, штоба сон синь иделезень нищай шить и рабствовать эзда.

Разнай народтнень йоткса шинь шкайтть лемец разнаель, но сембе ня народтне шарькеткшнесь обычна сверхестественной существак али геройкс, кона шачи, страдандай, кулы и живолгоды. Сембе древневосточнай земледельческий народтне эрь кизоня праздновандак-

шезь шинь шкайтть шачеманц, сонъ куломанц и живолгодоманц.

Шинь шкайтть шачеманц праздновандакшевсь талонь солнцеворотонь шитнень—декабрь песта и январь ушедомстонза. Тя пингень шись кода бди оду шачи, ушеды кепедема сембе вяр и вяр, шись арай сяда кувакаста, а весь сяда нюркьянста.

Шинь шкайтть куломац и живолгодамац праздновандакшевсь тундань равноденствиянь шитнень, мзярда шись эсь кувалгадоманц марта сатсы веть. Тунда сргози эряма сембе природась, а сонъ мартонза марса, думандакшнесь древний земледельце, живолгоды и шинь шкайтс.

Египтань древний земледельце лувондозь шинь и растительностень шкайтс Озиристь. Египетский жрецнень ученияснон коряс, Озириссь эрясь модать лангса 30 кизог, тонафтозень ломаньтнень земледелия и макссь тейст кельгемань заповедь и нравственной правилат. Злой вийхне кулофтозь Озиристь, но сон живолгодсь, кепе-

педсь менели и тоса судендай праведникнень и грешникнень эса.

Тундань паксаянь работада ингле древний египтянне тиендсь Озирис шкайтть страданиянзонды. куломанцы и живолгодоманцы кувальсь моли праздник. Празник та ингле египтянне аварькшнесь, озонкшесь и постились. Празниконь васень шиня тиендессь Озиристь статуянь калмамац, а шиди меле торжественна и радостна праздновандакшевсь сонъ живолгодоманц. Живолготф Озириссь, думандакшнесь древний египтянне, тундань лямбеть марта сргозфтьсь кеместа улы модагь.

Древний египтянне, конат ашезь соце природань законнень и конатнень ульсь пяк лафча техника сна, тяряфнесь всякай колдовский обрядса эсь жертвоприношениянон марта воздействовать природать лангс и озондозь сатомс эстейт шкайтхень ширьде цебарь урожай. Сембе тя ашезь лезда, а мекелангт, шорьсесь ломаньти природать каршес сатфкс марта тюреманцы.

Древний перснень, точно тяфтажа, кода и египтянне, йотафнесь кулы и живолгоды шкаенъ праздникт. Тяфтама шкаенъди перснень ульсь Митрась. Эрь кизоня 40 шинь йотамс, конада меле сашендсь тундань равноденствиясь, жрецне ти-

ендсь жертват и тиендсь заупокоенной службат, а меле, мекельденъ веть, торжественна объявляли Митрать живолгодоманц колга.

Тяфтама жа кулы и живолгоды шкаенъ праздниксна эрсесь лама древневосточнай народтнень: финикиецнень—Адонис шкайтть честьс, фригийецнень—Аттиса шкайтть честьс и ст. т.

Вов нят древневосточнай религиознай праздникне и арась основак христианский „очижити“. Эсь праздникнон лемец христианне свяезь еврейхнень ширьде. „Очижи“ валсь еврейхнень лаца значит „умилостивления“. Иудейский „очижи“ сывессь васеньда киза ся пингтнень эзда, мзярда еврейхне, улемок скотовод-кочевниккокс, старандакшесь тунда, жуватань раштамань пингть, умилостивить злой духнень. Тянь инкса кочевникне макссесь духненьди жертвакс вероска. Мзярда еврейхне йотасть жуватань водямагь эзда земледелияти, то тундань скотоводческий праздниксь тиевсь синь ширесост земледельческий тундань праздниккокс. Иудейский странать римлянтнень ширьде завоевандама меле тя тундань религиознай праздниксь арась „мессиянь“ учемань праздниккокс.

(Пец 4-це страницаса).

а) Полеткс, Ушетксон йотай номерсоль.

(Меленя, том VIII, стр. 419, 3-це изд.)

Партиять тебенц инкса путса сембе виезень

Монь ингелен лейтенантс Николай Александрович Ерин ялгась. Сон эря. Шачсь Батушево вельи, Аташевсь району, Мокшэрзянь республикав.

Школаса сон ашезь тонафне. Сонь воспитандазе Якстерь армиясь. Колма кизот Еринсь служендась пограничникомс румынской границаса.

Аныцек молись армияв, сон няфтезе эсь прянь пяк примернайста. Границать ванондозе зоркайста.

Курок сонь кармасть кельгемонза сембе якстерьармееине и командирхне. Парторганизациясь няезень од пограничникть большевистский качестванзон и кармасть сонь анокламонза партияв.

Еринсь няфтезе эсь прянь пяк способнайста. Курок сон тонадсь сьормас и кармасть упорнайста тонафнема.

Свободнай пингть сон морафнесь газетат и журналхт, художественнай и политической литературара.

Аф ламода меле Еринсь ульсь примаф партияв.

Тяни Еринсь лейтенант. Пяк кельгась сонь боецне. Сон мзярдонга аф азы боецти грубай вал. Сембе виенц путсесь боецнеи воспитанияснонды.

Од лейтенантс содасыне эсь боецонзон, кода эсь вете суронзон. Эр боецти ули сонь особай подходоц.

Аш стама ши, мзярда ба лейтенантс афоль мольте боецнеи марта беседа. Сонь боецонза цебярьста содасазь междувароднай положенийть. Кеместа содасазь



Сталинский Конституциять. Тяни сон азонкшнесы боецнеи ВКП(б)нь ЦК-ть февральский пленумонц решениянзон, Сталин ялгать докладовц и заключительнай валонц.

Еринсь лишнай мзярдонга аф кортай. Ломаньсь сон аф пяк раз говорчивай. Мзярда мон аделайне сонь мартонза эсь беседазень, сон пшкядьсь:

— Партиясь касфтомань. Партиясь воспитандамань. Партиясь путомань почетнай и гордай вастс. Партиять тебенц инкса, Ленинонь—Сталинонь тебенц инкса максса сембе виезень, а кда эрявксты, аф ужальдса сембе эряфозеньга.

П. Горьканов.

Нормаснон пшкеткшнесазь вельф

Ежка велель „Валда ян“ колхозса 3-це бригадаса Сайгин Степансь виденди тозер. Аф ваномок кой-кодама афсатыксень лангс, Сайгинсь 11 рядса сеялкаса 4,5 гектарт вастс виденди шити 5 гек-

тархт тозер. Сайгинсь сеялкаса виденди ни лама киза и сон сеялкать техниканц содасы аф калдыаста.

Афтайкин.

Ковылкинань р-н.

„ОЧИЖИТЬ“ ПРОИСХОЖДЕНИЯ И КЛАССОВАЯ СУЩНОСТЕЦ

(ПОЛАТКСОЦ. УШЕТКСОЦ 3-це СТРАНИЦАСА)

Еврейхнень йоткса пяк лама ульсь стамда, конат эрясть аф эсь родинасост (Палестинаса), Римский империянь различнай ошка и странава. Финцнень тоза кандозень пленсь, омбонце ворьгедьсь родной вастснон эзда, ванфтомок пряснон жестокай поработительхнень преследованияснон эзда, колмонце тусть эсь странасост заработкань вешендема и ст. тов. Ня еврейхнень йоткса как раз и тиевсь христианский религиянь васень основатне. Ня еврейхне, конат оторванайхть родинасост и эрясть разнай национальностень угнетеннай массатнень йоткса шарькеткшнесь „мессиять“ национальнай геройкс и спасителькс аф аныцек Иудеяса, а сембе национальностень ломанень спасителькс.

Христианский васень общинатнень эса ульсь еврейхт и иля национальностень л о м а н ь т

Еврейхне сувамок христианский общинат ненди, мольтьсть иудейский „очижить“ празднованиянц, а иля национальностень ломаньтнесьиньцен спаситель-шкайснон страдань, куломань и живогладомань тундань религиознай праздникснон. Сяда меле христианский

церкавсь сувафтозень ня праздникнень марс, тись эздонза христианский „очижить“ праздник, йордамок эздонза еврейский содержаниянц и сотомок тя праздникть Иисус христость живогладоманц колга легендате марта.

Мзярда христианствась явондась древний Русьса, то тя християнский церкавть марта видоизмененнай древневосточнай праздниксь таргась эсь эзонза древний словянонь лама обычайхт.

Минь ичкиздень предканьке—дикархне ашеть машта правильнай шарькедемост окружающей природнай явлениянень. Синь ульсь виифтеи природнай грозной виийхнень ингеле, синь лангозост люпштась и общественнай отношениянень гнетсь, дикархский общинаса жалкай и убогай эряфсь. Дикархнень тя виифтема эряфсна шачфнесь тейст шкайи, чертти, чудати верондама, кошарязь верондама таинственной духнень улемаснонды, конат властвовандайхть природате и обществать лангса. Тяфтама шкаенди дикархне лувондозь кулоф предкаснон душаснон.

Тунда, мзярда сашендсь лямбесь, сашендсь гармоньтне и ушетк-

Од значкистт 1-це майти

1-це майти анокламань производстваснон комсомольский и профсоюзной организациянть оцюмалъ шарфнесь добровольной организациянть работаснон цебярьгафтомаснонды.

Тяфта комсомольский организациянсь планонь коряс путнесь эсь ингеленза задача анокламань ПВХОНь значкистта 20 ломань, ГСО-нь—20 ломань, „Ворошиловский стрелоконь“ значкистта—12 ломань, тяда башка пулопфт кафта футбольнай командат, конатнень марта йотафнеи оцю подготовительнай работа и пулопфт 6 волейбольнай командат.

Тяда башка ламода цебярьгаффт массово-воспитательнай работась афсоюзной ломаньтнень йоткса. Пулопфт и лац работайхть добровольной организациянть мопрань, осовиахимонь, безбожниконь и ст. тов.

Тядодень кизонь майти минь васьфтьсь ламода сяда цебярьста йотай кизоть хоряс.

Консервный комбинатса комсомолонь комитетть секретарец П. Полянский.

Цебярьста анокламань праздники

Ежкань афполнай средняя школась йотафтьсь оцю работа майский праздникть васьфтеманцты.

Педколлективсь праздничнай веча путы пьеса. Хоровой кружоксь аноклась морот: „Первомайский гимн“, „Песня о Ворошилове“ и лият.

Физкультурнай кружоксь аноклась гимнастический упражнениянц, пирамидат. Тяфта жа лама морот аноклась школьной струнной оркестраська.

Тяда башка ученикне анокласть танецт, декламациянц. Афтайкин. Ковылкинань р-н.

ПЕТЬКС

„Комсомолонь вайгаль“ газетать тяда ингельтен номерсонза, кона лиссь апрельть 29 шистонза, Молотов ялять статьясонза редакциять сюнеда нолдафт тяфтама шоряф вастт.

1). Омбоце страницаса, 3-це колонкаса, вярде ушедомок, нилеце строчкать лувомс тя колонкань васеньце строчканьди.

Тя вастсь эряви лувомс тяфта: „Ули кода и эрявхть тонафтомс работам, кепедемс синь деловой квалификациснон.“

Руководительги эряви маштомс эсь основной работниконзон кочксемь, проверякшнемс синь работаснон“ и ст. тов.

2). Нилеце страницаса 3-це колонкаль алуца пестонза кафта строчкатнень эрявхть лувомс тяка жа колонкаль ушетксонза.

Омбоце колонкаль мекпальдень колмоце строчкаста точкада меле эряви лувомс: „Работниконь подбортти обывательский беспринципнай отношениянть каршес решительнайста апак тюрхть, тятевть сяда вярди политический уровеньс апак кепедеть, минь руководителеньке аф лувондовхть тяниень задакатнень уровеньса ащи настоящай большевистский руководителкс“.

3). Ветече страницаса колмоце колонкаль алуца пестонза кафта строчкатнень лувомс тяка жа колонкаль ушетксонцты.

Омбоце колонкаль мекпальдень омбоце строчкаста точкада меле эряви лувомс:

„Минь, кода социалистический страна, все невья ащетиам капиталистический державань окружения. Минь сатфксоньке оцюфт, но именна синь невья сядонга пяк кияжияфнесазь классовой врагть, кона синь эсост ниясы эсь юманц (гибеленц) маладоманц“.

4). Колмоце страницаса омбоце колонкаса вярде ушедомок 14-це строчкаса сьорматф: „...тя ащи фкиян важнейшай задачка минь хозяйственной работанькенъ цебярьгафтомас“ и ст. тов.

Эряви лувомс. „тя ащи фкиян важнейшай задачка минь хозяйственной работанькенъ кореннойста цебярьгафтомас“ и ст. тов.

Комсомолецне няфнихть кепетькс

Од Лепьювонь „Од лепью“ колхозса комсомольский организацияса сембе 24 комсомолецне видема йоткова работайхть паксыа разнай тевса.

Комсомолецне Резяпки Андрейсь и Романовсь работайхть сеялкаса Синь видемань нормаснон пшкеткшнесазь вельф и цебярь качеств марта. Ня комсомолецне няфнихть пример иляды комсомолецнеи и сембе од ломаньтненьдига.

Ламоц комсомолецне работайхть плугарькс и культмассовой работаса. Эр шиня колхозникненьди комсомолецне лувондохть газетат, журналт.

Я. Пинясов.

Рыбкинань р-н.

Отв. редакторсь С. С. ЛАРИОНОВ